



Vita de ploania y de paisc

- **Lites dal Consei de Ploania:** al ven recordé y envié da dé jö ciamó encö, **domegna 20 de setember, cina ales 19:00**, les chertes por la prelatia tla casseta te dljia (jö da cornel). **Ocio:** por ester sogüsc a ci porsona ch'i sc, scriéde lapró ince l'ennom dla ciasa. Iolan.



Stödafüs d'La Pli: en domegna ai 27 de setemb a les 09:30, atira dô messa, al „**De dla porta daverta**“ un nosc picio museo nò. Al sará ince na desmostrazi da destödé en fû (bombola da destödé, ega o na la poscibilité da odei y proé fora düc i injins che . Al sará ince na musiga y en picio renfresch. Sperun da s'odei trec.



- **Le Consei de formaziun y Le KVV d'La Pli** envieia **en lönesc ai 28 de setember** al referat „**lerpejun, testamont y sozesciun ereditaria**“ con l'avv. Paul Maieron. Ci é pa la ierpejun? Él por val' scrí en testamont? Ci sozedel pa sce i ne l'á jia scrit? Co scii pa en testamont? A cösc y a trep d'ater gnarál respognü con parores sciomples.



Enformaziuns y termins

Prozesciun: la Uniun dai Ei dal decanat Val Badia envieia düc i ei y jogh a tó pert ala prozesciun con linternes, en vendres ai 25 de setember dales 19:30 da dljia de Badia demez sö Oies. Recordesse da se tó empara na linterna o na ciandera.

KVV Seniorencub/1: en dedemesaledema ai 23 de setember piunse ai ales 8:49 dal Cone demez por jí a fá le „Keschtnweg“.

KVV Seniorencub/2: en dedemesaledema ai 7 d'otober jarán con le bus al tloster Marienberg. An peia ia dan le Cone ales 8:00. Por cösc iade él da s'anunzié pa Lidia al ☎ 339 7899107.

La Uniun Ladins Val Badia envieia ala presentaziun dal roman „Anterlöm“ de Samuel Debon tla stöa dal Ciastel de Tor en jöbia ai 24 de setember, ales 19:00, tla cornisc musicala de Ines Tavella. „Anterlöm“ é na storia ambientada a Badia ala fin dl 19ejim secul, co cunta la vita dai trei jogh Matí, Jan y Tina y atoca temesc universai desco l'amizizia, la familia y le peis dles convenziuns soziales.

Döt le bun a: Emma Vittoria Feichter Finazzer, *Seis* * 23.09.1938
Jan Taibon, *San Laronz* * 26.09.1933
Colomba Canins, *Deutschland* * 26.09.1945
y a düc chi co á santennom y compless i agn cöst'edema

Impressum: Ploania d'La Pli; redaziun Franz Rigo, Roman Frontull
Comunicaziuns: cina le dedemesaledema sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann A

20.09.2026 - 25. domegna ia por l'ann

n. 43

Envidia cuntra bunté

📖 **Is 55, 6–9 | Fil 1, 20ad–24.27a | Mt 20, 1–16°**

Nos sun dagnora encontonc y reconescionc sce zacai se trata con bunté. Dal'atra pert magari ne n'odunse nia dagnora der ienn, che ince i atri ven tratés bun y ch'al ti ven dé do. La Sacra Scritöra nes dij che Chel Bel Dio é en Dio de gran bunté, en Bel Dio co ne stá nia a fá cunc da picio sciacher. El se lascia ete con i piciadus, deache al é gran tal pordené (1ª letöra). Te sũ agn de vita publica á Gejú mossũ gonot se defene da critiches da pert de jont. Enteressanta é la parabola dai laoranti dla vigna, olache al ti ven trat dant che le patrun é iniüst en cunt dal paiamont. La resposta dal patrun dá da capí ch'al é iüst ponsé da ti dé tant che ai á da vire a chi co ó laoré y n'á degün o püch da laur. La bunté mess atló gní adencuntra ala iustizia, por che cösta sii iüsta (Vangelo). Te söa letra dala porjun a Roma scrí san Paul con la mort dan i edli ai Filipesc ch'al sont la fin, ma che, sc'al é debojügn, él ciamo ienn arjigné, por amur dai fedei, da sorví chel bun patrun co é le Signur (2ª letöra).

da “Bibia di Sandís”

Dal Vangelo do San Mateo:

Te chel tomp ti á Gejú cunté a sũ discepui cösta parabola: ¹Con le regn dal ci éra desco con n patrun de en avei, co s'an é jü dadoman adora demez da ciasa, a tó sö oras por söa vigna. [...] ⁸Canch'al ea gnü da sera, á le patrun dla vigna dit a so aministradú: Cherda i oras y paii fora le paiamont, metenn man dal ultimo cina al pröm. ⁹Al gnea chi co ea gnüs tuc sö dala önejima ora, y vignönn á ciafé n denar. ¹⁰Canch'al ea roé pa i pröms, miná chisc de ciafé deplü. Mo ince chi á ma ciafé n denar porom. ¹¹Danló á motü man da se lascé sö cuntra le patrun ¹²y dijea: Chisc ultimi á ma laoré öna n'ora, y tö i as traté anfat desco nos; nos deperpo án soporté döt le de le peis dal laür y le cialt. ¹³Mo le patrun ti á respognü a önn de chi: Amí, al ne te ven fat degün tort. Ne n'este nia gnü a öna con me sön önn n denar? ¹⁴Tol tũ scioldi y vátan! lu endere ó ti dé al ultimo tan co a te. ¹⁵Ne poi nia fá ci ch'i ó con ci co é mio? O este invidius, deach'i sun bun con i atri? [...]



Con le regn dal ci éra desco con en patrun de n avei, co s'an é jü dadoman adora demez da ciasa, a tó sö oras por söa vigna.

Mt 20, 1

📖 **Letöres dla 26. domegna ia por l'ann:**

Ez 18, 25–28 | Fil 2, 1–11 | Mt 21, 28–32

Edema liturgica dai 20.09. ai 27.09.2026		
DOM 20.	25. domegna ia por l'ann	<i>Andreas Kim Taegon, Paul Chong Hasang y compagns, Stachio</i>
08:15	zelebrazion dla Parora de Dio	oferta por la ploania
10:00	gran messa a Al Plan	
Lön 21.	 festa de San Mateo apostul y evangelist,	<i>Debora, Jonas</i>
19:00	s.m. por i nüc Simon Elliscases y Angelica Schanung s.m. por †† por † Eduard (aniversar) y Paola Maneschg, Col Marchet	
Ded 22.	<i>Maurizius y compagns, Tomesc</i>	
07:30	s.m. a Antermeia	
Dem 23.	<i>Pio da Pietrelcina (Padre Pio), Tecla</i>	
07:30	s.m. a Al Plan	
Jöb 24.	<i>Rupert y Virgile, Hermann</i>	
07:30	s.m. a Rina	
19:00	oraziun da Taizé	
Ven 25.	<i>Nikolaus da Flüe, Gottfried</i>	
07:30	s.m. a La Val y a Badia	
Sab 26.	<i>Cosmas y Damian, Paolo VI.</i>	
07:30	s.m. d'aniversar por † Angelo Ellecosta, La Costa s.m. d'aniversar por † Nese Ellecosta ved. Erlacher, Ombolt	
18:00	s.m. prefestia a Al Plan	
DOM 27.	26. domegna ia por l'ann	<i>Vinzenz de Paul</i>
	de mondial dai migranc y profugs	
08:15	gran messa por döta la ploania	oferta por migranc y profugs
	s.m. de rengraziamont por la sanité s.m. por les families de Pasquale y Brigitte Kastlunger s.m. d'aniversar por † Carlo Ploner y por söes families s.m. por † Maria Rosa Minacci	
14:00	funziun dal Bato de Aurora Craffonara	
10:00	zelebrazion dla Parora de Dio a Al Plan	
ampola:	por † Jep Rindler, Nichele	
ministronc:	lönesc y sabeda: Elias Palfrader y Melanie Mutschlechner domegna: Aileen Ellecosta y Marie Ploner, Mattia Rigo y Timea Willeit	
i recordun:	Eduard Maneschg † 20.09.2019 Angelo Ellecosta † 22.09.2019 Carlo Ploner † 24.09.2019 Rita Burchia Zambon, Milano † 26.09.2021	



Invidiüsc dla fraidité? ... ma dáí! (Mt 20, 1–16a)

I ponsi do

Él val' de iüst traté düc anfat y ti dé
ince ai ultimi le medemo paiamont?
Cösc é früt dla gran misericordia de
Chel Bel Dio deache so Regn n'é nia
na fabrich.
Vignönn pó se fá pomez
al'amicizia con Gejú te vigne
momont y ester protagonist tla
Dlijia: te nosc cör ne déssel nasce
degüna envidia por chi co ven do
nos y ne laora forsc nia tan co nos.

I preii ensciö

Che sunse pa nos por protesté cuntra té,
Signur? T'as cherié le monn y l'as afidé a
nostes mans. Al é pô por nos na fortuna
podei ester tló y laoré por te belo da doman:
sôé por costruí val' de gran, ester stanc do
avei fat en laur prezius, ester encontonc da
podei se proé por töa amicizia. L'aorela lungia
n'é nia da envidié mo da temeí. I te dijun iolan
ch'i án podü da pici ensö aldí töa usc co s'á
cherdé a gní laoranti de töa vigna y al é bel
da odei ch'al nen ven entres ciamó pomez.
Al é anfat sce i ciafun düc le medemo
paiamont. Dai, Gejú ... no meter averda a chi
co fej pôde mo vá entres endò sôn plaza dla
vita a cherdé amisc nös. I án debojügn de
lauranc!

Walter Cazzaniga, Parola amica – Il Vangelo della domenica per ragazzi



Mens dla Creaziun, 1 de setember - 4 d'otober 2026



Dio Onipotent, che t'es present te döt l'univers y
ince tla plü picera de töes creatöres, tö che te
enjopes con töa bunté döt ci co rabesc tal monn,
jüta ete te nos la forza de to amur por che i s'an
tolunse sora dla vita y dla beleza.

Jüta sora de nos töa pêsc, por ch'i viunse desco
fredesc y sorus zonza ti fá de dann a zacai.

O Dio dai püri, deidesse da salvé i arbandonés y
i desmoncés de cösta tera, co é tan de valüta
dan tü edli.

Varesc nosta vita por che i sconunse le monn y
ne le desdrüjnunse nia, por che i somenunse
beleza y nia ajiament y destruziun.

Azica i cörs de chi co chir ma vantaji söles
sciabiles dai püri y dla tera.

Ensegnesse da descorí le valor de vigne cossa, da contemplé con morveia, da
reconesce che i sun liés con dötes les creatöres sön nosc tru adencuntra a töa löm.
Iolan che t'es pa nos vigne de. I te periun, sostegnesse te nosc impegn por la iustizia,
l'amur y la pêsc.

Oraziun por la Creaziun, fora dla Enciclica „Laudato si'“ de Papa Francesch